

Kita patut ucapan terima kasih kepada Tuan Li Kong Cheng kerana memberi hadiah pelajaran kepada orang-orang Melayu sebanyak \$10.800. Syabas! Seorang bangsa lain dan agama lain sebegitu dermawannya tetapi kita? agama Islam mengajar kita pemurah dan menggalakkan membuat kebajikan kepada masyarakat! Pelajaran ini diikut oleh orang tua-tua kita yang telah lalu dengan mengadakan bukti-buktinya yang ada hingga hari ini – madrasah-madrasahnya dan wakaf-wakafnya. Tetapi orang sekarang? orang Julia menghantar balik wangnya ke negerinya bahkan ada yang mencari di sini mendapat bermilion-milion ringgit telah bakhil dan menghantar derma ke negerinya beratus-ratus ribu ringgit, sedang orang-orang Arabnya pula kalau dahulu ahli Al-Khair sekarang “ahli al-khairnya” nampaknya bertukar kepada banyak betul atau suka buat jamuan pada bangsa lain – tidur jauh malah sedang berkhiriat untuk kebajikan masyarakat

bakhil !! Yang telah – kerana perbuatan-perbuatan ini orang menista kita – kalau ia “berkhairat” mahu nama dan seterusnya!



-----*

Di Eastern Trade Fair di Geylang, nampaknya untuk menarik penonton-penonton telah diadakah beberapa malam lamanya peraduan panjang pinang yang di atasnya diletakkan wang. Batang pinang itu tingginya tidak kurang daripada 30 kaki. Permainan ini juga sekali-sekali tidak mengapa tetapi dilakukan berturut-turut itu ada merbahayanya dan pihak yang berwajib patut menegahnya kerana tidakkah jika terjatuh harus membawa maut? Tidakkah nanti menjadikan kerosakan kepada badan? Lagi pun – nampaknya ada apa-apanya disebalik tujuan itu – apa dia? sudah tentu akan dijadikan bukti bahawa orang-orang kita berkehendakkan Trade Fair itu diubah menjadi park! Camlah nanti Kesudahannya.

-----*

Seorang pengajur bilang ia sanggup terima dosa atau dengan lebih terang terima bala daripada Allah buat jalankan

loteri. Sungguh pengajur ini sangat berani – tidak takut pada azab Allah sebabnya tentu tidak payah dicari sudah tentu kerana kurang iman! Capak dan keberanian yang semacam ini adakah daripada perkataan seorang Islam? tentu tidak payah jawab lagi!

-----*-----*

Seorang penulis di sebuah akhbar bilang loteri itu tidak ada nas haramnya di dalam Al-Quran kerana ia ada kebajikan dalamnya. Perkataan yang semacam ini terbitnya tentu bukan daripada orang yang faham Quran bahkan daripada orang yang jahil murakab!

-----*-----*

Sekarang nampaknya Melayu dipisahkan persekutuan Tanah Melayu telah mula menyiarkan makalah-makalah yang mendatangkan tuduhan-tuduhan bahawa Islam itulah agama yang meruntuhkan orang-orang

KOPI PAHIT

Melayu! Islam itu katanya, telah menjadikan kerubahan kerajaan Melayu semenjak Srivijaya dan Majapahit kerana dengan Islamnya

Melaka – Melaka telah runtuh

dikalahkan oleh Portugis dan Belanda sehingga ia terjajah dari dahulu hingga sekarang! Makalah ini sudah terang makalah “anti Islam” yang wajib dibidas. Yang menulisnya kita yakin tidak lain daripada golongan orang-orang “murtad” yang sekarang sudah mula menunjukkan bilangan “anti agama”. Dengan sebab itu orang-orang kita mesti ingat dan memerhati langkah-langkah kaum Mulhadin ini! Juga jangan-jangan nanti akhbar yang menyiarkan itu jadi akhbar mulhid pula! Orang-orang Melayu wajib pula beringat atas langkah ini kerana nampaknya ia cuba memecah-mecahkan orang-orang kita yang sememangnya sudah berpecah-pecah itu. Kita hanya memberi ingat jangan main-main cerca-cerca agama nanti orang ramai naik berang dan kesannya sudah kita nampak bersama-sama! Percaya tak percaya perhati sahaja nanti!

-Cemeti al-Farouk.